



Sanfermo Case in Roma alle Tre Fontane 1. Cassiere

6
20 -c
23

$\mathcal{O} \frac{8}{L}$



otheca
ll. Rom.
Jesu

~~21-6-28~~

~~6-20-29~~

9.2.1.1.6





F. BALTHASARIS

PAGLIA

Bibl. Sec. SICVLII Coll. Rom.

CALATAIERONENSIS

Ordinis Min. S. Francisci Conuentualium

PARAPHRASIS

Sec. EPICA *Tol.*

IN PSALMOS, ET CANTICA

Ad Laudes, Vesperas,

& Completorium.


Admodum Reuer. Patri Magistro

BALTHASARI

MELATIO

A NARO

Eiusdem Ord. Generali Procuratori,



Bononiæ, Typis Hæredis de Sartis 1687.

Superiorum permissu.




Adm. Reuerendo Patri
P. MAG. BALTHASARI
MELATIO A NARO
ART. ET SAC. THEOL. DOCT.

*In Rom. Archigymnasio Sacrae Historiae
 publ. Interpreti,*

*Exam. Synod. olim Prouincia Siciliensis
 Ministro Prouinciali,*

*Nunc totius Ordinis Min. S. Francisci Conu.
 Procuratori Generali, &c.*

Fr. Balthasar Paglia eiusdem Ordinis.



Atagat plerumque scripto-
 rum cohors, & multa sit
 pro deligendo libris Pa-
 trono. post lustrata Heli-
 conis iuga, frequentet aulas, vt sibi
 e montibus reduci tale comparet Nu-

men, cuius, ope Musarum, aucupetur tutelam, & voluminis pretio gratiam lucrifaciat. glorior in eadem non esse naui, Pater Adm. Reuerende; nihil enim in Mæcenatis delectu mihi hæsitandum fuit, vbi primum ad huiusce opellæ coronidem ventum est. suapte tibi se obtulit; Auëtorisq; votum edoëta ad tui sideris iubar, inde lumen fœneratura, illico se recepit: gnara siquidem quantæ moli subiiciar debitorum; cum nempe tui muneris sint vel meus ad claustra ingressus, & qualiscunq; in re litteraria profectus; quidni tantillæ oblationis sese vt originem iactitent? Confert & libelli materies sacra, Scripturis cognata, metricè exposita; proinde facris addito, in Romæ Archigymnasio

3

sio earundem Interpreti, inclyto ubique Musagetæ potissimum nuncupanda. nec pedes effero, aut a proposito reuocor, cum in verbornm syntagma-
te Daudicæ scriptionis pedissequo
Pastoris ruditas potius, quam Regis
aspiciatur maiestas; sic enim Psalmo-
diæ collata Paraphrasis hæc illius for-
sitani luminis propria caligine decori
erit, & incremento. An non clarior
sol coram umbris, iuxta tenebras
lux? ob id neque opus tibi iniucun-
dum penitus, aut inutile; utpote
quod mentis demissioni, ac Seraphicæ
reuera humilitati concinnius. Quid im-
probabunt, rogo, breuibus te pagi-
nis inscribenti sanniones, atq; mus-
fantes plerique, quos nunquam de-
elle compertum est; emunctæ fortas-

se naris, at frontis quidem rugosæ,
 & supercilij, vt aiunt, Catoniani?
 statimpe pro doni exilitate oscita-
 bunt, ac Philausiæ mihi notam im-
 pingent? ita mehercle. spero tamen
 tui beneficio me vtrinque vel Ari-
 starcho satisfacturum; si enim donan-
 tis animum introspiciens, munus hoc,
 vt gratitudinis tesseram acceptabis, ex-
 templo censuris libera mens Auctoris
 probabitur; quin & nasutorum plebs
 in meam adducta sententiam quo iu-
 re, quaque iniuria nifus tenues æqui,
 bonique faciet. Hic meum esset in
 tuas eundo laudes paulisper calamo
 fræna laxare, quod vtrique quàm li-
 benter præstarem, ni modestiam con-
 sulens pudor hunc ardorem compe-
 sceret. Virtus nil indiga laudis sui-
 met

met ipsius est præco. abundè satis loquuntur Ordinis exedrae, nec Rostris vox deest. Scimus adhuc in triennali Siciliae Præfectura qualem te gesseris. Fugitne aliquem qua polleas in dicendo vi, in agendo dexteritate? quo pacto nuper iniunctum subeas ministerium, & fortunæ nondum defatigatæ noua, congestis vsque meritis, suppedites roborare? At Heros eloquio maior aptius reticentia commendatur. Hoc interim obseruantia specimen tibi quoquomodo exhibendum, comitate, qua soles, quoque vouetur animo admittas velim; quod si tuo non dedigneris obitu (piget enim quandoq; curis solidioribus superesse) lucem mihi non vltimam affulsisse, omneque tulisse punctum

planè arbitrabor. Vale, tuaque Deus,
vti par est, ac te in primis fortunet
ad sui gloriam, & Ordinis incremen-
tum.

Bononiæ 13. Kal. Aprilis 1687.

AD

A D LECTOREM.



*Paraphrasim hanc supra non-
nullos ex Psalmis tibi cum
aliquot poematibus plures
abhinc annos tradendam,
cogente aliter fato, solam nunc exhibe-
mus; Amice Lector. Disciplina seueri-
tas, ad quam post Permessi latices ore-
tenuis delibatos animum uertere opus
fuit, ne caeptis colophonem addiderim,
sefe obicem praebuit. Cum uero, seriis
quadam ex parte intermissis, Bononiam
aliquantulum feriandus uenissem, regio*

Mu-

*Musarum obstetrix poeticam venam
 iam defuctam, diuque residem quodam-
 modo lacessiuit. quocirca & Amicorum
 votis, & mihi metipsi utcumque satis-
 facturus in absoluendo uno poemate to-
 tus fui. res contigisset profectò, ni ve-
 hemens obstitisset familiarium vis, qua
 editionem hanc in longum protrahi neu-
 tiquam passa, egit, ut enixæ mentis
 abortum quantocius ab umbris prodire
 sinerem, lucemq; combibere. exit ille alios
 iam paratos ingenij factus anteuolans;
 exit, inquam, vix lima remorsus, ac
 penè expolitus pumice, proinde, ni fal-
 limur, tuæ solum beneuolentiæ commen-
 dandus. in eo ultra breues Auctoris
 vires occurret nihil. Musarum fabellas
 (ingeniosa Poetarum figmenta) in qui-
 bus totius ferè poeseos venustas potissi-
 mum*

mium sita est, consultò hìc, pratercundas
 proposui; quæ etenim, amabo te, Gol-
 gothæ cum Parnasso, rei sacre cum pro-
 phanis conuentio? in opellæ autem syn-
 thesi non alius uti libuit versibus, nisi
 Epicis; utpote qui ceteris carminum
 speciebus grauitate anteferendi Psalmo-
 rum decori, ac maiestati concinniores
 viderentur: quodsi in metrorum delectu
 sola Paraphrastæ voluntas pro lege est,
 planè cum Epicum arrideat magis, nihil
 est, quod illius nobis usu interdicat.
 ad vltimum ne ignores velim in Psal-
 morum argumentis ad probatissimam
 Lyranæ expositionem quoad omnia me
 referre, & ex Scripture sensibus raro
 alios, quam sapissime litteralem am-
 plecti: Siquid interim hìc offenderis bo-
 ni, fac, ut ad Dei, ad Psalmographi
 laudem

laudem cedat; errata verò mihi tantummodo adscribenda gloriabor mehercle, si tua litura expunges, mendisque humanitate des veniam. Itaque labor tenuis hac saltem non tenui gloria compensabitur. Vale.



Reuerendo Patri Collegiali

BALTHASARI PAGLIA


*Siculo Ordinis Minorum Conuentualium
Sancti Francisci.*

Quòd nonnullos Psalmos ad carmen
hexametrum deduxerit.

Sicelides Musæ, Ausonias misistis ad Oras,
Felsina quem Vatum gaudet habere Choro.
Quisque Viri ingenium hic vexat, quia carmine
Expetit in laudes quisque venire suas. (Vatē
Sic Diuos, gemināq; Themin, Phœbūq; medentē,
Martem, & Vestales, Teque, Hymenæe, canit.
Nunc paulò maiora canit, Psalteria præstò
Materià sacris versibus esse facit.
Interpres fidus Psalmos ad Carmina transfert,
Quod latet arcanis Sensibus, ille docet.
Talibus Officium Psalmis noctesq; diesque
Dulce, & iucundum quàm recitare foret!
Quæ fuerat Lyricis celeberrima Vatibus olim,
Nunc Dauida tulit Sicelis Ora suum.

Bonauenturæ de Rubeis Bonon.
Reuc-

Reuerendo Patri Collegiali
BALTHASARI PAGLIA
 Ordinis Min. Conu.




*Alluditur ad flumen, ac sidus
 Stemmatiss.*

DISTICHON.

Stemmate Cyrrha fluit, lucet quoque Pega-
 sus: æquè

Te gratum Musis terra, polusq; probant.

D. Francisci Bonomij Bononien.



Facultas Reuerendissimi Patris Generalis.

CUm opus, cui titulus [*Paraphrasis Epica in Psalmos, & Cantica ad Laudes, Vesperas, & Completorium*] a Patre Collegiali Balthasare Paglia de Calataierone nostri Ordinis Min. Sancti Francisci Conuentualium Sacerdote elaboratum duo ex nostris Theologis diligenter examinauerint, nihilque in eo, quod orthodoxæ fidei, morumque honestati dissonum sit, repere-
rint, licentiam eidem facimus, vt illud ser-
uatis seruandis Typis dare queat.

In fidem. Dat. Auerſæ 3 Maij, 1687.

F. Antonius de Auerſa Min.ſt. Generalis.

Locus ✠ Sigilli.

*F. Ludouicus Solarinus de Taurino
Secret. & Affist. Ordinis.*

For the

...

...

...

...

...

...

PARAPHRASIS

E P I C A

I N

SEPTEM PSALMOS

Ad Laudes, & in Cantica

Benedicite omnia opera Domini Domino.

Dan. 3.

Benedictus Dominus Deus Israel.

Luc. 1.

THE AFRICA

REPORT


SEPTIM PSALMOS

Admiral Sir John Campbell

Secretary of State for the Colonies

London

1844



PRÆFATIO.



Ox ubi paulatim toto rarefcere
mundo

Incipit, & rorans, croceumque
exosa cubile

Lumina semotis repetit Pallan-
tias umbris;

Illico plebs auium Zephyris innixa, rubenti
Gratatur Dominæ, matutinoque tumultu
Sollicitat clausam nemorali in culmine vo-
cem.

Hic celata rubo, queis otia fallat, amœnos
Orditur Philomela modos; hinc garrula que-
stus

Congeminat Progne, numerisque indulget
Achantis.

Mille canunt volucres; variæ discrimina lin-
guæ

Sylva procul recinat. quis nunc tibi pignus
honoris,

Coelicolum Rector, meritasque rependere
grates

Negligat? en turmæ sectans exempla volantis
Organa Iessides animat, fulchroque relicto

Noctis in abscessu modulis pia nabilia maritat.

Tu Vati es carmen, mentem qui, luminis
instar,

Fœcundas radio, qui cæcas hinc procul vm-
bras

Criminis eiiciens fidei nos luce serenat.

Siqua patet rutilans auroræ in fronte venu-
stas,

Muneris illa tui est: almi spiracula vultus

Et radiis Phœbum, stellasq; ardore coronant.

Si nunc ales ouat, si dulcè comantibus aura

Ludit in arboribus, vernusque susurrat la-
pyx;

Te petit hoc murmur; Patrem officiosa tuen-
tur

Pignora, Factorisque manus opus omne sa-
lutat.

Nos

Nos modò, dum toti lux prima refunditur
orbi,

Surgentes aciem coelo referāmus apertam:

Ora Deo psallant: metris placabile Numen

Audiat vnanimi ferientes astra canore.

En vocat ad Superos Rex idem, & carminis
Auctor,

Plumigerūque suis inuitat plausibus agmen.

Laus ergo & volucrum, pennisque aduecta

Fauonj

Ceu pretium sese vitæ pro munere dedat:

Hanc Regnator habe; quæuis damus orsa ca-
nentes

Excipe: cognatæ subeant tua pectora voces.

Aptius infirmæ laudem contexere linguæ

Non datur: hanc offert: siquando arridet,
adusque


Præstabit seram producere carmina noctem.





IN PSALMVM XCII.


In prima ex tribus partibus huius Psalmi sermo est de principio, quando Christus & cœli, & terræ dominium est adeptus. secundò varia ponuntur impugnationes, & pressura, quæ Regno Christi acciderunt. describitur tandem confirmatio eiusdem Regni, & exaltatio Ecclesiæ militantis.

- 1  Ominus regnavit, decorem indutus est: indutus est Dominus fortitudinem, & præcinxit se.
- 2 Etenim firmavit orbem terræ: qui non commovebitur.
- 3 Parata sedes tua ex tunc: a seculo tu es.

PA-



PARAPHRASIS.

I  *Ut itonans dudum cæli regione
potitur
Imperij iam fræna tulit, gemi-
numque per orbem
Viribus excimiis, ac maiesta-
te refulsit.*

2 *Quippe solum vult stare diu, nulloque mo-
uendam*

*Tempore disposuit molem, ne libera, nutans
Audeat explosis aliò se vertere claustris.*

3 *Tunc prius & gemmis radians, & diui-
te clausus*

*Fornice sedis apex, soliumq; insigne paratum est.
Nulla dies unquam, neu res te, Conditor, vlla
Non viuente fuit; quin irreuocabilis aui
Orbita communi congaudet origine tecum.*

- 4 Eleuauerunt flumina Domine: eleuauerunt flumina vocem suam.
- 5 Eleuauerunt flumina fluctus suos: a vocibus aquarum multarum.
- 6 Mirabiles elationes maris: mirabilis in altis Dominus.
- 7 Testimonia tua credibilia facta sunt nimis: domum tuam decet sanctitudo Domine in longitudinem dierum.



4 Et nos posse loqui resono torrentia signo,
Alme Parens, vocale fretum, fluuiosque loquen-
tes

(Quando hæc præcipiti fregere silentia motu)
Credidimus. 5 fluminalis aquæ circumsona vo-
cem

Lingua dedit raptim, cum prætereuntia ripas
Flumina iactato tetigerunt nubila fluctu.

6 Insuper, elatis aliena ad culmina spu-
mis,

Vel pater Oceanus pleno sese extulit alueo,
Ætheraque excelsum, contermina regna, petiuit:
At vaga semotis ardent ubi sidera terris,
Mira quidem Regnator agit; spectabile toti
Condit opus mundo. 7 manet, æternumque ma-
nebit

Corda virum quodcunque prius docuere Pro-
pheta.

Dum tamen instabili cælum vertigine longos
Metitur, libratque dies, Moderator Olympi,
Emeritos augusta domus tibi seruat honores.

IN PSALMVM XCIX.

Proponitur in hoc Psalmo laus Dei, ad quam primò generaliter omnes inducimur. secundò Iudaicus populus specialiter offerens inuitatur. conuocatur denique singulariter Ministrorum omnium cœtus.

- 1 **I**ubilate Deo omnis terra: seruite Domino in lætitia.
- 2 Introite in conspectu eius: in exultatione.
- 3 Scitote quoniam Dominus ipse est Deus: ipse fecit nos, & non ipsi nos.
- 4 Populus eius, & oues pascuæ eius introite
PA-

PARAPHRASIS.

1 **L**æta Deo, nullisque parent obnubila
curis

Pectora plaudentes famuli: procul arceat um-
bram

Tristitia, patula qui terræ in mole vagatur.

2 Vt quoties subeunda domus, visenda To-
nantis

Est facies, residem stimulent solatia gressum;

3 Quodque perennis honos alto colit æthere
Numen,

Esse Deum, Dominumque scias, cui sponte cre-
andi

Quas operum libuit species innata potestas.

Nos tamen excelso Factoris ab ordine primi

Excludit natura minor; finitaque virtus,

Ne res ex nihilo faciant, mortalibus obstat.

4 Te modò, læta cohors, humilis cui Pastor
ouilis

portas eius in confessione : atria eius in
hymnis confitemini illi .

- 3 Laudate nomen eius , quoniam suavis 'est
Dominus , in æternum misericordia
eius : & vsque in generationem , & ge-
nerationem veritas eius .



*Tam fauet, excipiant modulantes hac limina
valua;*

*Dum chorus indulgens numeris, atque atria
mulcens.*

Cantibus, ulterius prope fit Regnantis ad aulam.

5 *Hic vox dulcè sonet, Regique accepta su-
perno*

Alternæ pretium laudis pia guttura soluant;

Mitis enim iubilo nostrum perfundere pectus

Omnipotens, verax delere piamina gaudet,

Sollicitis rapidum fugiet dum passibus æuum.



IN PSALMVM LXII.

Principiò gaudet Propheta, & in consolationibus, quas a Domino recipit, gloriatur. deinde cœli protectionem expertus aduersarijs exterminium, & deiectionem prædicit. ultimò cum omnibus in Deo sperantibus de Redemptoris laudibus collatur.

- 1 **D**Eus Deus meus: ad te de luce vigilo.
- 2 Sitiuit in te anima mea: quàm multipliciter tibi caro mea.
- 3 In terra deserta, & inuia, & inaquosa sic in sancto apparui tibi: vt viderem virtutem tuam, & gloriam tuam.
- 4 Quoniam melior est misericordia tua super vitas: labia mea laudabunt te.
- 5 Sic benedicam te in vita mea: & in nomine tuo leuabo manus meas.
- 6 Sicut adipe, & pinguedine repleatur anima mea: & labiis exultationis laudabit os meum.

PARAPHRASIS.

1 **N** Ondum clara dies refugas ubi manè per
vndas

Nutat, inornati fugientem strata cubilis
Protinus ad laudes me suscitatur ætheris Auctor.

2 Te, Pater Omnipotens, Diuumque, homi-
numque voluptas,

Spiritus, ac nostræ sitiunt præcordia carnis;

3 Quæque iter ambiguum vestigia distrabit,
& quæ

Ne quisquam vndantes expectant gramina riuos,
Hic tandem quasita diu spectacula vidi:

Nam prius æterni lumen specularier oris

Cura fuit, tantique iubar dignoscere vultus.

4 At modò te fari, & numerosis dicere Psalmis
Mens inbiat, cælorum Opifex, miseratio cuius
Longius exigua præstat solamina vite.

5 Sic mea dum refluus per viscera sanguis
inundat,

Vitali dum luce fruor, tua nomina tollens

Carminibus iunctas conuertam ad sidera palmas.

6 Qualiter accepta veteres pinguedine vires
Innouat exhaustum corpus, sic robore crescens

7 Sic

- 7 Sic memor fui tui super stratum meum,
in matutinis meditabor in te : quia fui-
sti adiutor meus .
- 8 Et in velamento alarum tuarum exultabo,
adhæsit anima mea post te : me suscepit
dextera tua .
- 9 Ipsi verò in vanum quæsierunt animā me-
am : introibunt in inferiora terræ , tra-
dentur in manus gladij , partes vul-
pium erunt .
- 10 Rex verò lætabitur in Deo , laudabun-
tur omnes , qui iurant in eo : quia ob-
structum est os loquentium iniqua .



Flamen adorato geminabit cantica Regi.

7 Cumq. meosuberunt nocturna cubilia tergo,
Iamq. suss aurora vigil patefecerit ortus,
Mira canam; te voce, Deus, te mente volutans
Laxantemq. animos agro, & noua scuta parantē.

8 Hinc annos plaudendo trabā, celsiq. fauoris
Amne fruar posthac; nam tu me desuper alas
Tendis, & umbræ facilem concedis amictum;
Atq. ubi curarum laqueis, ceu compede, vinctus
Æthereæ scrutator opis tibi spiritus hæsit,
Cœlica iam profugos repetiuit dextra vigores.

9 Qualibet ancipiti nocuere pericula vitæ,
Hostilesq. minas, & vulgi opprobria ventus
Sustulit, ac volucres euauit ira per auras.
At ipsos dolor heu quantus tellure sub ima,
Sauties heu quanta manet, cum lucis egentes
Inuenient cryptas, atq; antra inuisa subibunt!
Tunc caro scissa gemet, cuius pars altera vulpes,
Alter pars auidum satiabit sanguinis ense.

10 Rex tamen, ac Regi si quis famulatur
Olympi

Festa gerent, multoq. trahent de gutture laudes;
Vox etenim siluit mordax, pressura loquelæ
Conticuit, ræuæ fecere silentia lingua.

IN PSALMVM LXVI.

*Clementiam summi Patris implorat hic Psalmi-
cen, precesq. addit, ut Iudææ campos fertilita-
te perfundat. mox ut pro illius obtentu diuinæ
providentiæ grates agant, & Triadem insimul
benedicant, populos omnes inuitat.*

- 1 **D**eus misereatur nostri, & benedicat nobis: illuminet vultum suum super nos, & misereatur nostri.
- 2 Ut cognoscamus in terra viam tuam: in omnibus gentibus salutare tuum.
- 3 Confiteantur tibi populi, Deus: confiteantur tibi populi omnes.
- 4 Latentur, & exultent gentes, quoniam iudicas populos in æquitate: & gentes in terra dirigis.
- 5 Confiteantur tibi populi, Deus, confiteantur tibi populi omnes: terra dedit fructum suum.
- 6 Benedicat nos Deus, Deus noster, benedicat nos Deus: & metuant eum omnes fines terræ.

PARAPHRASIS.

1 **I** Am Deus electi commissa piacula cœtus
 Præteriens, nos luce beet, crimenq. perosis
 Cordibus augusti præfulgeat oris imago.

2 Vt radios mens. nacta duces, per opaca viarū
 Æthereum dignoscat iter; mundi. vagantem
 Per freta non lateat veræ cynosura salutis. (stas,

3 Te, Pater Indigetum, rerū intemerata pote-
 Turba frequens, genus omne colat; 4 nubesque
 dolorum

Excutiens, alacri præcordia luce serenet;
 Iuris enim vindex, ac seruantissimus æqui
 Arbiter es; quo fusa cohors, peregrinaq. pubes
 Tramitis in medio vestigia tuta docetur. [stas;

5 Te genus omne colat, rerum intemerata pote-
 Exultet gens aucta bonis, quam prodiga terræ
 Ditaui facies, atq. ubere pavit opimo.

6 At modò quod trinū populi, simplexq. fatentur
 Numen, inexhausto dignetur ab amne salutis
 Nos super undantes donorum effundere riuos;
 Atq. ubi consurgens lustrat Gangetica Phœbus
 Littora, Tartessiq. cadens se proluit undis,
 Insutiat mundo gelidum sua dextra pauorem.

IN CANTICVM

Dan. 3.

Per Canticum hoc, quod, trium Puerorum, inscribitur, creatura omnes tam cœlestes, quàm sublunares ad benedicendum Domino conuocantur.

- 1 **B**enedicite omnia opera Domini Domino: laudate, & superexaltate eum in secula.
- 2 Benedicite Angeli Domini Domino: benedicite cœli Domino.
- 3 Benedicite aquæ omnes, quæ super cœlos sunt, Domino: benedicite omnes virtutes Domini Domino.
- 4 Benedicite Sol, & Luna Domino: benedicite stellæ cœli Domino.
- 5 Benedicite omnis imber, & ros Domino: benedicite omnes spiritus Dei Domino.
- 6 Benedicite ignis, & æstus Domino: benedicite frigus, & æstus Domino.

PA.

PARAPHRASIS.

1 **P**rotinus ætherco laudum pia munera Regi
 Pandite: nunc operū series, atq; integer ordo
 Innumeris recinenda canant præconia seclis.

2 Te fari, & sacris certatim assistere cœptis
 Spirituum genus omne licet, quorum agmina latè
 Officio superesse pari iubet alta voluntas.
 Dum tamen Angelicæ coeunt ad cantica turmae,
 Indulgentq; sono, puros imitata Ministros
 Sit comes astrorum regio; placitura Tonanti
 Cœlorum intersit moles; 3 quæq; vnda polarem
 Transgreditur metam, & claro supereminet axi;
 Virtutesq; Dei. 4 Superis date metra vicissim
 Phœbe diem referens, nocturnaq; orbita lucis,
 Stellarumq; cohors. 5 celebrent quæ manè sereno
 Roscidus aurora sudat stillamina vultus;
 Rumor item pluuiæ aque, Dominoq; ministras
 Spiritus, 6 ac gelida vis ignea subdita Luna:
 Æstus inardescens, & iuncte caloribus algor.

- 7 Benedicite rores, & pruina Domino: benedicite gelu, & frigus Domino.
- 8 Benedicite glacies, & niues Domino: benedicite noctes, & dies Domino.
- 9 Benedicite lux, & tenebræ Domino: benedicite fulgura, & nubes Domino.
- 10 Benedicat terra Dominum: laudet, & superexaltet eum in secula.
- 11 Benedicite montes, & colles Domino: benedicite vniuersa germinantia in terra Domino.
- 12 Benedicite fontes Domino: benedicite maria, & flumina Domino.

7 Tuq. pruinosis oriens de nubibus unda
 Perpetuùm gratare Deo : dein carminis auētrix
 Gutta sonet, laxis pariunt quam nubila venis,
 Ut frondes vegetet. sit commendabile Numen
 Torpentiq. gelu, necnon tibi, frigoris horror.

8 Candida nix, glacies, liquidum quæ contra-
 his imbrem,
 Cedentes noctiq. dies, noctesque diei
 Vos canite, & magni monumentum afferte decoris.
 9 Nec minùs omne iubar cœli super axe reni-
 dens

Plaudat, & absumpta redeuntē luce tenebræ,
 Horrificum fulgur, nebularumq. agmen opacum.

10 Alma parens, tenui quæ niteris ære, tellus
 Concine, donec eris: Superum clementia iugi
 Sit scopus obsequio. 11 densiq. vaporibus alpes
 Claudentes immane caput, nemorumq. recessus,
 Et quota per virides exurgunt germina saltus
 Congeminent laudes, seseq. canentibus addant.

12 Interfit conuentus aquæ; fons gurgite puro
 Numina commendet: fluuiialibus edita lymphis
 Cantio prætereat nubes: det carmen Olympo
 Fluctus, & in tota vox personet Amphitrite.

13 Benedicite cete, & omnia quæ mouentur
in aquis Domino: benedicite omnes
volucres cœli Domino.

14 Benedicite omnes bestię, & pecora Do-
mino: benedicite filij hominum Do-
mino.

15 Benedicat Israel Dominum: laudet, &
superexaltet eum in secula.

16 Benedicite Sacerdotes Domini Domino:
benedicite serui Domini Domino.

13 O quicunque leues agitat per vada cursus
 Fluminis, Oceanique greges; immane profundum,
 Riuorumque exile pecus; si gutture presso
 Hactenus incoluistis aquas; en tempus adempta
 Soluere vocis iter: vobisque, immania cete,
 Fas & gratari Superis, & noctere laudum
 Stemmata. ne desis librans hucusq; volatum
 Arua replens numeris gens picturata volucrum:
 Si dulces aperire modos, & amabile murmur
 Mos tibi, si manè in syluis ad carmina multa es;
 Nunc modulos profer: cœlorum ab sede Creator
 Te probet alternas geminantem gutture laudes.

14 Plausus ubiq. sonet: Factoris gloria primi
 Prodeat e specubus; pecorumque, hominumque
 propago

Numinis obsequio, Superumq. incumbat bonori.

15 Tū genus Isacidum, excelsi Genitoris origo,
 Labile festinis curret dum passibus æuum,
 Adsit ouans, & ferta palo contexat honoris.

16 Mystarū cœtus, queis obtegit insula crines,
 Regis ad officium sit iugiter, & decus astris
 Immortale ferat; cuius documenta secutis
 Indigetum famulis encomia fundere prosit.

17 Benedicite spiritus, & animæ iustorum
Domino: benedicite sancti, & humi-
les corde Domino.

18 Benedicite Anania, Azaria, & Misael
Domino: laudate, & superexaltate
eum in secula.

19 Benedicamus Patrem, & Filium cum
sancto Spiritu: laudemus, & superexal-
temus eum in secula.

20 Benedictus es Domine in firmamento
coeli: laudabilis, & gloriosus, & su-
perexaltatus in secula.



17 Concinat & nulla culparum erugine ta Tus
 Iustorum numerus, cui lex, & candida cordi
 Religio; impositos claudens qui pectore ritus
 Celsa fugit, cunctisq. videri inglorius ardet.

18 Nunc agite o, celeri dum non reparabile
 tempus

It pede, cognatas Domino persoluite grates
 Vos, illasa trias, pueri, quam corpore toto
 Incolumem tractare rogos, tutèq. moueri
 Obstupuit fornax, & ouanti incedere gressu.

19 Sic Nato aquaeus Genitor, Genitusq. Pa-
 renti,

Nec dispar utriq. Deus fit nobile cunctis
 Carmen, inexhaustas quarent dum secula metas.

20 At, Sator omnipotens, illic te gloria maior,
 Ac laudis monumenta manent, ubi conditor idem
 Sideribus conue xa poli radiantibus ornas.



IN PSALMVM
CXLVIII.

*Creaturarum omnium tam cœlestium, quàm
sublunarium cœtus ad Conditoris laudem per
hunc Psalmum inducitur; & exinde invita-
tionis huius adiicitur ratio, ubi de earum
creatione, & conservatione fit sermo.*

- 1 **L**audate Dominum de cœlis: laudate
eum in excelsis.
- 2 Laudate eum omnes Angeli eius: laudate
eum omnes virtutes eius.
- 3 Laudate eum Sol, & Luna: laudate eum
omnes stellæ, & lumen.
- 4 Laudate eum cœli cœlorum, & aquæ
omnes, quæ super cœlos sunt: laudent
nomen Domini.
- 5 Quia ipse dixit, & facta sunt: ipse manda-
vit, & creata sunt.

PARAPHRASIS.

1 **E** Ia Deo gratare, olli super ætheris axe
Regnanti proferto decus gens quæque
polorum

*Incola. 2 virtutum series, Dominiq. potestas,
Angelicis immixta choris exordia promant.*

3 Sol pater emensis vicibus super orbe renidens,
Luna per alternos varians tua corpora menses,
Luminaque, fixumque polis, aut mobile sidus
Plaudite. 4 gyrus item lymphæ, cui splendida
cœli

*Ora subest, vitreæ moles contermina spheræ,
Sidereæ compago domus date carmina Regi.*

5 Huius enim natu (proh quanta in voce fa-
cultas!)

*Prodiit omne genus; Solisque ad lumina tetro
Umbrarum ex gremio rerum pertransiit ordo.
Vix Patris ætherei magnum per inane loquela
Intonuit, præsens vix edidit orsa voluntas;
Protinus, omnigeno repleti ab semine mundus
Cœpit, & hac specie sese induit orbis uterque;*

6 Sta-

- 6 Statuit ea in æternum, & in seculum seculi: præceptum posuit, & non præteribit.
- 7 Laudate Dominum de terra: dracones, & omnes abyssi.
- 8 Ignis, grando, nix, glacies, spiritus procellarum: quæ faciunt verbum eius.
- 9 Montes, & omnes colles: ligna fructifera, & omnes cedri.
- 10 Bestiæ, & vniuersa pecora: serpentes, & volucres pennatæ.
- 11 Reges terræ, & omnes populi: principes, & omnes iudices terræ.

6 *Quem Faber, æquali donec vice fax minor, & Sol*

*Argenti, & calida lustrabunt lampade terram,
Stare iubet; solidisq. locans æterna columnis
Dogmata, seruandos aperit per secula ritus.
Nec citò præteriens aliò feret hæc rata ventus;
Durat adhuc legale iubar: pia fœdera cœli
Intemerata vigent, lauiq. immunia casus.*

7 *Dum tamen hæc sursum resonant, & cantus Olympum*

*Transgreditur, tellure sonans respondeat Echo;
Te cryptæ, iunctiq. canant, Deus alme, dracones.*

8 *Turbo frequens, quem sæpe minax portendit Orion,*

*Iussibus Indigetum parens, nix insuper adsit,
Nec distet glacies, neu copia grandinis, & que
Ardentem cœlo sacrent incendia linguam.*

9 *Montis apex, spatiumq. virēs telluris apricæ
Gratum offert melos: ramus comitetur ouantes
Cedrinus, atque auidos ditantia ligna colonos.*

10 *Brutorū, pecorūq. manū, genus omne volantū,
Quæq. per incultum serpunt animalia gramen
Fas erit arguto conuerti ad sidera plausu.*

11 *Nec minus heroum procures, atq. arbiter æquus*

12 Iuuenes , & virgines , senes cum iunioribus laudent nomen Domini: quia exaltatum est nomen eius solius .

13 Confessio eius super cœlum, & terram : & exaltauit cornu populi sui .

14 Hymnus omnibus sanctis eius : filijs Israel , populo appropinquanti sibi .



IN PSALMVM CXLVIII. 49

*Laudibus interfint, populiq. exercitus, & qui
Sceptra regunt, lataſq. orbis moderantur habenas.*

*12 Tum vittis ornata cohors, exoſa iugalem
Concubitus, ſenioq. virens admixta iuventus
Feſta gerant: quodcunq. caput, gens quælibet una
Conueniens, nomen canat indelebile, cuius
Claudere ſepoſiti nequeunt encomia fines.*

*13 Sic Regnantis bonos, pleno iam cardine
mundi,*

*Nubila prætereant; geminum ſpatiata per orbem
Fama nec unius lateat conſinia meta.*

*Nam Patris imperio ter lux reſerata fideli
Affulſit populo; generiq. ad ſidera verſo
Tempora felici redimiuit adorea faſtu.*

*14 Hinc bona Thariadæ proles, accepta To
nanti*

*Natio, iuſtorum numerus conſortia laudum
Excipiat, ſummiq. apicem contingat Olympi.*



IN PSALMVM CXLIX.

Psalmi huius duæ sunt partes. primò communiter plebs fidelium ad laudem Domini conuocatur. mox de extrema die fit mentio, quando Sanctorum numerus palmam de oppressoribus referet per sententiam Iudicis, à quo, ut pœnam reprobis, sic electi mercedem recipient.

1 **C**Antate Domino canticum nouum :
laus eius in ecclesia sanctorum.

2 Lætetur Israel in eo, qui fecit eum : & filij Sion exultent in Rege suo.

3 Laudent nomen eius in choro : in tympano, & plalterio psallant ei.

4 Quia beneplacitum est Domino in populo suo : & exaltabit mansuetos in salutem.

1 *Fle.*

PARAPHRASIS.

1 **F**lectite iam veteres ad metra recētia cantus;
 Sic libeat posthac, & cœlo, antiqua reformās,
 Laudis inauditum sacret pia turba triumphum.
 Carminibus delubra sonent: **2** equalia prodas
 Latitiæ argumenta, pari solamine fibras
 Perfundens genus Isacidum, stirps alma Sionis;
 Par etenim ratio: clemens assistit utrique
 Rex idem, & Factor: seruat qui fecerat illud
 Conditor, hanc miti fleēt it moderamine Præses.

3 *Apta quidem statio numeris opera alta ca-
 nentes*

Excipiat; fornix, templiq. cacumina fracta
 Vocis ab exemplo carmen quoq. pangere discant.
 Tacta simul varios ineant psalteria motus,
 Tympanaq. undarum querulos imitata fragores.

4 Nam pietas, integra fides, animusq. cohortis
 Cœlitibus placuere: sui Pater acta probavit
 Seminis, & quosuis leni mitescere vultu
 Vi derit, ac primo confestim obstare furori,
 Hos ima tellure leuans, excedere fines

5 Exultabunt sancti in gloria: lætabuntur
in cubilibus suis.

6 Exaltationes Dei in gutture eorum: &
gladij ancipites in manibus eorum.

7 Ad faciendam vindictam in nationibus:
increpationes in populis.

Aereos, astrisq. caput redimire iubebit.

5 *Ergo piorum acies, rectique frequentia
cætus*

Exere nunc animum, clades, formidinis horror

Sint aliquando procul: torrens mercedis opima

Te cæli super axe manet; nam larga Tonantis

Dextra voluptati molles hic laxat habenas.

*Hic viget alma quies; ingentem hic muneris
arcam*

Prodigus euacuat fautor. peregrina beatis

Obrepet dulcedo fibris, & pectus anbelum

Conceptos alacri testabitur ore triumphos.

6 *Dum tamen haud vlla vacuum dulcedine
guttur*

Suauè canet, nomenq. Dei super astra locabit,

Dum pacem mens tuta bibet, minitancia cades

Brachia nil mitis pendent: manus inclyta belli

Instrumenta geret, creperoq. armabitur ense.

7 *Tunc, hominum Censor, si quis te forsan
inultum*

Dixerit, hunc vanam leuiter fuisse loquelam

Pœniteat: vindicta frequens, varij. tumultus

Excidij sumpta referent vestigia pœna.

8 Ad alligandos Reges eorum in compedi-
bus : & nobiles eorum in manicis fer-
reis.

6 Ut faciant in eis iudicium conscriptum :
gloria hæc est omnibus sanctis eius.



8 *Heu miseri, gentis quondam fiducia, Reges,
Tuq. ducum soboles, & maior plebe propago,
Quid modò parietibus pendens immane tro-
phaum,*

*Aut falso toties Marti data victima prodest?
En velut obstrictis immobile pondus inhaeret
Cruribus! en turpi laqueatas compede suras!
Quin etiam vinculis, aut curuo exesa metallo
Cogitur emeritum persolvere dextra piaculum.*

9 *Vos tamen ut culpam, & scelus exitiale
fateri*

*Præcipient hominum procures, altumq. tribunal,
Iudicium lethale ferent. hac dote beatis
Arridet famulis celsi Moderator Olympi.*



IN PSALMVM
CL.

*Inuitatio cuiuscunq. cœlestis Spiritus, quæ per
hunc Psalmum proponitur, totius diuinæ Psal-
modiæ est clausula.*

- 1 **L**audate Dominum in sanctis eius:
laudate eum in firmamento virtu-
tis eius.
- 2 Laudate eum in virtutibus eius: laudate
eum secundum multitudinem magni-
tudinis eius.
- 3 Laudate eum in sono tubæ: laudate eum
in psalterio, & cythara.
- 4 Laudate eum in tympano, & choro: lau-
date eum in chordis, & organo.
- 5 Laudate eum in cymbalis benefonanti-
bus, laudate eum in cymbalis iubilati-
onis: omnis spiritus laudet Domi-
num.

PARAPHRASIS.

1 **C**ontinuare Deo laudum incrementa fideles
 Vsq. decet famulos, cuius cœlisuper altis
 Cardinibus miro nitet excellentia fastu,
 Inq. micat Sanctis. 2 vires, quibus integrarerū
 Subjicitur series, operumq. obtemperat ordo,
 Vox canat, & nullo compræhensum limite robur.

3 Eius ad obsequium pronas comitâtia linguas
 Murmura ne desint, cytharas discrimine recto
 Pulset ebur: farrago soni, clangorq. tubarum
 Ictibus alternis vacuas diuerberet auras:
 Tum caua dulcisonis reboent psalteria chordis.

4 Ast ubi non tenues parient animata fragores
 Tympana, iustorum legio sit multa canendo,
 Et metra Cœlitibus chorus intonet; altera quorum
 Pars feriat nablum, saltantiq. organa passim
 Percutiat digito: 5 positis pars altera curis
 Multifonora leui contingat cymbala dextra.
 Siderei Regnantis honor meditabilis omni est:
 Quidquid adhuc vitæ spiracula ducit, & auras
 Pascitur æthereas, in laudes ire Tonantis
 Gestiat, ac Superum canet præconia Regi.



IN CANTICVM

Luc. I.

In Canticò , quod Vaticinium est ad formam laudis expressum , primò pertinentia ad Redemptorem Zacharias præmittit: subdit postmodum de Filio prophetiam , eumq. futurum Domini Præcursores denunciat .

- 1 **B**enedictus Dominus Deus Israel: quia visitavit, & fecit redemptionem plebis suæ.
- 2 Et erexit cornu salutis nobis: in domo David pueri sui.
- 3 Sicut locutus est per os sanctorum: qui a seculo sunt, Prophetarum eius.
- 4 Salutem ex inimicis nostris: & de manu omnium, qui oderunt nos.



PARAPHRASIS.

1 **I** Am Deus Isacidum Dominus, qui luce
fideles

Criniuit populos, captiuisq. horrida fregit
Vincula, multorum praconia sumat ab ore.

2 Ille, ubi Iessai regalia culmina Vatis,
Caelicolis accepta domus, se nubibus equant,
Erexit partæ nobis monumenta salutis.

3 Taliter illapsis afflata caloribus olim
Sancta cohors cecinit, mundi. ab origine prima
Indigetum nutu cani edocuere Prophetæ.

4 Necquicquam oppositæ furor, atq. insaniæ
plebis,

Iudicio deserta phalanx, gens inuida nostras
Concussere fibras. odij de fonte, salutis
Riuulus emanat: pressuræ ignobilis arbor
Visa salutifera fructum peperisse quietis.

5 Ad faciendam misericordiam cum Patri-
bus nostris: & memorari testamenti
sui sancti.

6 Iusiurandum, quod iuravit ad Abraham
patrem nostrum: daturum se nobis.

7 Vt sine timore de manu inimicorum no-
strorum liberati: seruiamus illi.

8 In sanctitate, & iustitia coram ipso: omni-
bus diebus nostris.

9 Et tu puer Prophæta Altissimi vocaberis:
præbis enim ante faciem Domini pa-
rare vias eius.

IN CANTICVM Luc. i, 61

5 Sic Superum Regis, cui nunquam pectore
fœdus

Excidit, amplexa est veteres clementia Patres.

6 Nec secus expositas Domino firmante lo-
quelas,

Perq. suum iurante caput, pater audiit Abram:
Tradere se famulis pepigit. 7 ne fronte
minaci

Incutiat plebs dira metum, nunc cordibus aegris,
Vexatisque diu libertas reddita priscam

Conciliet pacem; quis enim nos debita post hac
Soluere Cœlitibus, Namq. reuiscere forsam
Impediat? cecidere mine: pes liber inanes
Iam laqueos temnit; manicis, & fune solutas
Iam licet innocuis ad sidera vertere palmas.

8 Dum nos aura fouet, calido dum sanguis
inundat

Pectore, religio, & pietas ante ora Tonantis
Sint comites iusti. 9. te precipit alta voluntas
Magne Puer Domini praeuntem gressibus, olli
Obstruētas aperire vias, calcandaque passa
Strata parare tuo; Praecursorisq. Propheta

10 Ad dandam scientiam salutis plebi eius:
in remissionem peccatorum eorum .

11 Per viscera misericordiæ Dei nostri: in
quibus visitauit nos oriens ex alto .

12 Illuminare his, qui in tenebris, & in
vmbra mortis sedent: ad dirigendos
pedes nostros in viam pacis .



*Nomen habens 10 populos fidei documenta su-
perna,*

Delendumq. nefas, Diuumq. oracula monebis.

11 *Sic nunquam tepefactus amor, sic feruida
Regis*

*Indulget pietas, cuius non immemor, ut nos
Viseret, ex alto sese patefecit Olympo.*

12 *Hinc ubi tellurem caliginis agmen
opacat,*

*Nec patet alma dies, sed funestissima circum
Stat nubes, & nox, & plurima mortis imago,
Hic tuus irradiet fulgor: lux prodita, Phœbi
Vindicet exilium, quaque extat semita pacis
Te duce tuta ferant hilares vestigia plantæ.*



PARAPHRASIS
E P I C A
I N
QVINQ; PSALMOS
Vespertinos, & in Canticum
Magnificat. Luc. 1.

PARAPHRASES

DE P. I. C. A.

IN

QUINQUE PSALMOS

Ysaiah, Jeremias, Ezechiel, Daniel, et Ieremias

per Joannem de S. I. I.

E



PRÆFATIO.



Ergite Christiadae: non iniu-
cunda suorum

Æthereus probat orsa Pater.
ne cantica desint

Faucibus, inceptos ut quisq.
absoluat honores,

En Pastor, Vatesq. idem, Iesseia proles,
Mente ferax, operosus adhuc modulabile
cunctis

Illico suppeditat carmen; cum pectine
chordas

Mutuat, & cytharæ fit nobis causa mo-
uendæ.

Nunc agite in patula cocuntibus æde, pri-
usquam

Titan prætereat, redeant & vallibus vmbra,
Prosit in occiduo præconia texere Soli.

Gliscitis arguto quidnam venit ore canen-
dum

Nosse? Tonantis honor, Patris indulgentia,
cultus,

Muneris vbertas, qua nos, velut imber,
inundat,

Zelus, amor, pietas sunt nostræ obiecta
Camœnæ.

Si fruimur vita, si pignus, & ampla bono-
rum

Incrementa vigent, coelique intermina
crescit

Gratia, nec patulos cohibent sua flumina
riuos;

Quis metro abstineat? laudis diadema parare

Quis renuat posthac? meritas tibi, Condi-
tor æui,

Soluamus grâtes, donumq. sciamus oportet.

Munera qui nouit, noscendo hinc debita,
partim

Red-

Reddidit. hoc igitur nondum deprompta
canamus

Tempore, dum toti superest Sol igneus orbi,
Dum poterunt fufas testari hæc lumina vo-
ces.

Sic lux prætereat, superumq. in laude diur-
num


Tempus eat: latum nostri mulcedine cantus
Gaudeat Empyreū, donec tibi, Delia, cedat
Inclinata dies, cum Sol declivis ad vndas
Vergeat, & inuito procedet Vesper Olympo.





IN PSALMVM CIX.

Conditio Christi Domini, qui humanitate minor est Patre, diuinitate equalis est illi; in prima Psalmi huius parte proponitur. secunda pars eiusdem Christi sacerdotium eternum, potestatem, passionem, & ascensionem describit.

- 1  Ixit Dominus Domino meo:
fede a dextris meis.
- 2 Donec ponam inimicos
tuos: scabellum pedum
tuorum.
- 3 Virgam virtutis tue emittet Dominus ex
Sion: dominare in medio inimicorum
tuorum.
- 4 Tecum principium in die virtutis tue in
PA.



PARAPHRASIS.



O Elica non humili quâ fulgu-
rat orbita fastu,

Hic mecum assideas, ingens
ubi pignus honoris,

Par ubi pro veteri prabetur
origine sedes:

*Sic Nato Altitonans; sociis ut debita palmis
Sceptra regas, meritiq. throno potiaris Olympi.*

*2 Tempus erit, quo dextra minax hostilia ver-
Corpora, seminecesq. viros, & inertia coget (tet
Membra pauimentum victrici effingere plantæ.*

*3 Tunc Patris imperiis ex culmine virga
Sienis*

*Proditæ virtutem referet, domitaq. cohortis
Vulnus erit parti monumentum insigne triumphi.*

*4 Non tamen hic lapsa vigor & vertigine ma-
nat*

splendoribus sanctorum : ex vtero ante
luciferum genui te :

5 Iuravit Dominus, & non poenitebit eum :
tu es sacerdos in æternum secundum
ordinem Melchisedech .

6 Dominus a dextris tuis : confregit in die
iræ suæ reges .

7 Iudicabit in nationibus, implebit ruinas :
conquassabit capita in terra multorum .

8 De torrente in via bibet : propterea exal-
tabit caput .

*Temporis, at primis tecum quoq. splenduit annis.
Nullus adhuc, post noctis iter, patefecerat ortus
Lucifer, aeternae soboles cum fulgida mentis
Prodiit e gremio. 5 te nunc iubet ille ministrū.*

*Ante aras Cererem, purique offerre liquoris
Pocula, tum Solymi ritus absolueret Regis.*

*Nec sibi firma parum nutabit forte valuntas;
Nam posita stabunt leges, atq. omne per aevum
Cultus honos, immota fides, rata iussa manebunt.*

*6 At simul Indigetū Princeps assistere dextris
Cœperit, & robur virtus geminata resumet,
Protinus immeritas Regum de fronte coronas
Excutiet, dandas cum suggeret ultio pœnas.*

*7 Dein mala vestigans, populi teterrima lu-
strans*

*Multorum capita alta premet; Iudexq. severus
Corripiet fontes, venietque implere ruinas.*

*8 Cui tamen immundi latices, atque amnis
inundans*

*Vix poterunt sedare sitim, cui lapsus aquarum
Olim potus erit, nitidum florentibus idem
Excipiet sertum foliis, miritaque decorum
Fronde caput, viridique teget diademate crines.*

IN PSALMVM
XC.

Hic Psalter regius Domino se benedicturū promittit, & rationes insuper hoc suadentes adducit, ubi de sempiterna eius lege, ac de futura redemptione fit sermo.

- 1 **C**onfitebor tibi Domine in toto corde meo: in consilio iustorum, & congregatione.
- 2 Magna opera Domini: exquisita in omnes voluntates eius.
- 3 Confessio, & magnificentia opus eius: & iustitia eius manet in seculum seculi.
- 4 Memoriam fecit mirabilium suorum misericors, & miserator Dominus: escam dedit timentibus se.

PARAPHRASIS.

1 **Q**uà tribuum conuentus adest, lectæque
cohortis

Ora pium numerosa Dei meditantur honorem,
Quà mites coeunt animi, præstantibus illic,
Alme Parens, numeris laudum tibiserta parabo.

2 Magna quidem, sed certè animis imperuia
nostris

Facta Dei, rectæq. gerunt rationis habenam,
Arbitrium solo dum temperat omnia nutu;
Propositiq. sequax opus est, nec fœdere rupto
Discrepat alternis librata potentia votis.

3 Eximium quodcunque facit; quæque vsque
suarum

Gesta vigent manuum, sic magnificentia latè,
Et iustum exornant, volucres impune per annos
Vt maneant, tutèque, ac nescia temporis ietus.

4 Rex pietate ingens, populo miseratus, ubique
Hæc operum memoranda diu monumenta suorum
Exposuit, cunctisque Dei metuentibus altum
Consilium dedit appositis accumbere mensis.

5 Me-

5 Memor erit in seculum testamenti sui:
virtutem operum suorum, annuntiabit
populo suo.

6 Vt det illis hæreditatem gentium: opera
manuum eius veritas, & iudicium.

7 Fidelia omnia mandata eius confirmata in
seculum seculi: facta in veritate, &
æquitate.

8 Redemptionem misit populo suo: manda-
uit in æternum testamentum suum.

5 Nec noua delebunt veteres obliuia ritus,
Et non immemori digestum pectore fœdus;
Vlla nec officiet referata iniuria legi.

Quin potius virtutis opus, magnalia, vires
Protrahet in medium, totq. hætenus agnita seclis
Gestit adhuc seris aperire clientibus æta.

6 Edomito sic hoste fruens dilecta Tonanti
Natio captiuus potietur gentibus hæres;
Et bona non habili iam pridem oblata ministro
Alterius meritum ditione assumet herili.

Tum Sator Empyreï, cuius mens inscia falsi est,
Iudicium referet, propriæ ceu pignora dextræ.

7 Clara fides, iustique nitor cum lumine veri
Conuenere simul, perque omnia secla perennem
Signarunt ritum; nec tot satis una fuisset
Consiliis atas: multi, statuentibus illis,
Defluxere dies: qui nunc iam firmior ordo
Assiduos Lune cursus, ac tempora ridet.

8 Vos tamen, immeritis dudum quos Raptor
Auerni

Funibus implicuit, fragili iam libera demum
Soluite colla iugò: datur exitiale Tyranni
Excutere imperium; quando alti Rector Olympi
Præceptum haud ulli debile condidit æuo.

9 Sanctum, & terribile nomen eius: initium sapientiæ timor Domini.

10 Intellectus bonus omnibus facientibus cum: laudatio eius manet in seculum seculi.



9 Ille hostes terrore quatit, venerabile cuius
 Circumdant semper metus, & reuerentia nomen.
 Quisquis is est, dubias rerum qui tangere causas,
 Atque id nosse velit, quod fert sapientia, lumen,
 Haud ope mortali, neu mentis acumine fretus
 Arcanum scrutetur iter, nam semper ab alto
 Ingenij hac virtus, doctrinae hac gazapetenda est.

10 Cumque bonam pariet sobolem, fundetq.
 Supernas
 Intellectus opes, omni tunc iugis in auro
 Fama tubis super astra feret sua gesta canoris.



IN PSALMVM CXI.

Primò iustorum consolationes recenset Propheta, quos Dominus ut in via felices per gratiam, sic per gloriam beatos reddit in patria. mox peccatorum culpas, & flagella demeritis respondentia in calce Psalmi subnectit.

- 1 **B**eatus vir, qui timet Dominum: in mandatis eius volet nimis.
- 2 Potens in terra erit semen eius: generatio rectorum benedicetur.
- 3 Gloria, & diuitiæ in domo eius: & iustitia eius manet in seculum seculi.
- 4 Exortum est in tenebris lumen rectis: misericors, & miserator, & iustus.

PARAPHRASIS.

1 **F**elix ille quidem, cunctisq. beatior unus,
 Numina qui metuit Superum, qui nobi-
 le Regis

Fædus amat, Patrumque colens documenta, su-
 pernas

Non insincero rimatur pectore leges.

2 Olli inuicta, potens, longos habitura trium-
 phos

Assurget proles; quæque oram lustrat Eoam
 Phœbus, & extremo positos petit orbe Britannos,
 Subiicient mundum propria sua pignora dextra.

Prodigus Empyreï Reclor genus omne piorum
 Latitia torrente beat; 3 velut aureus imber
 Fundit opes, ultroque fauoribus irrigat ades.


Laude patrum veteri seros ornare nepotes
 Gaudet, ut illasum spatij rapientis ab ungue
 Posteritas æqui videat lucere nitorem;

4 Et quæ nulla micans iaculatur lumina Titan,
 Fumus ubi, aut vebemens nebulæ inuoluitur
 ægmen,

5 Iucundus homo, qui miseretur, & commodat disponet sermones suos in iudicio: quia in æternum non commouebitur.

6 In memoria æterna erit iustus: ab auditione mala non timebit.

7 Paratum cor eius sperare in Domino, confirmatum est cor eius: non commouebitur, donec despiciat inimicos suos.



*Ilicet aggestas inter lux magna tenebras
 Exoriens radium vincet fulgoribus Indum;
 Hanc Deus & cultor pietatis, & arbiter aequi
 Dat meritò splendere probis; 5 virque ille be-
 nignus*

*Eloquium facili disponet mente supernum,
 Alterius quem saepe viri dolor anxius urget.
 Nequicquam tacito nobiscum robore certans
 Longum Solis iter, quodque atterit omnia tempus
 Innocuos ab sede parant detrudere, nunquam
 Omina rectorum titubant, quia marmoris instar
 Aeternis utcunque vigent innixa columnis,*

*6 Donec inexploto præterlabentia motu
 Secula procedent, stabit laus inclyta iusti;
 Quem neque liuor edax temere pia nomina mor-
 dens*

*Rictibus, & prompta maculans fuligine verum,
 Nec linguae dolus, aut tetrici mendacia vulgi
 Affecere metu. 7 cœli spes iugis ouanti
 Porrexit clypeum, quin & munimine certo
 Fulta per ancipites rexit præcordia casus.
 Hinc pugna finis caso pendebit ab hoste;
 Nam felix operum requies, atque exitus armis
 Non nisi post palmas aderit: sors laeta subactis*

8 Dispersit, dedit pauperibus, iustitia eius
manet in seculum seculi: cornu eius
exaltabitur in gloria.

9 Peccator videbit, & irascetur, dentibus
suis fremet, & tabescet: desiderium
peccatorum peribit.



*Crebra viris tormenta feret ; post prælia dones
Pública victrici tribuatur adorea dextra .*


8 *Hic pius ara dedit, proprij tum fecit egenos
Participes fati , spoliūque insigne perosus
Quos potuit quandoque suo contexat amictu .*

*Nec satis emeriti nomen telluris ubique
Fama sequax operum , memori quod vulget in
auro ;*

*Uterior meta est : pernicibus acta quadrigis
Gloria siderei fastigia pulsat Olympi .*

9 *At simul ac raptum superis hunc videris
astris*

*Peccator , ruptaque fremet rationis habena ;
Protinus occultum spumanti ex ore venenum ,
Invidia cogente , vomet ; tandemque malorum
Hortatrix operum rabies , ac dira voluptas
Præcipiti Stygium lapsu properabit ad amnem .*



IN PSALMVM CXII.

Exordium Psalmi innocentes pueros ad nomen Domini collaudandum inuitat. mox eiusdem nominis excellentia, & Numinis prouidentia, tamquam laudis huius rationes, adiiciuntur.

1 **L**audate pueri Dominum : laudate nomen Domini.

2 Sit nomen Domini benedictum : ex hoc nunc, & vsque in seculum.

3 A solis ortu vsque ad occasum : laudabile nomen Domini.

Excelsus super omnes gentes Dominus : & super cœlos gloria eius.

PARAPHRASIS.

1 **N** *V*minis obsequio, proprij quod lege crea-
tos

*Temperat arbitrij, sertum prætexere laudis
Vester amor, pueri, vestri sit pectoris ardor.*

2 *Tempora nunc primum volucris labentia
motu*

*Æternum haud sileant nomen, dum rursus ab illis
Posteritas, ævumq. sequax præconia discent.*

3 *Quaque sub Hesperio fessus ruit aquore
Titan,*

*Et quæ Memnoniis idem se manè reuoluens
Littoribus, latè rutilantes explicat ortus,
Nominis imperium tellus canat, & sacra Regis
Vndique lustratum spatietur fama per orbem.*

4 *Eius enim virtutis bonos, animique po-
testas*


*Quæ nos cunque polo meritorum insignia tollunt,
Quosue frequens studio titulos dat mundus inani
Altiùs exuperant; patuli nec culmen Olympi
Aula capax, aut meta suo fuit apta decori.*

5 Quis sicut Dominus Deus noster, qui in
altis habitat: & humilia respicit in cœ-
lo, & in terra.

6 Suscitans a terra inopem: & de stercore
erigens pauperem.

7 Ut collocet eum cum principibus: cum
principibus populi sui.

8 Qui habitare facit sterilem in domo: ma-
trem filiorum lætantem.



5 *Ecquis erit, Superum forsan qui templa
colentem*

*Æquabit Dominum? pedibus quis tangere nubes
Audebit sociis? humiles hic pronus ad astra
Euocat, hic celsa detrudit ab arce superbos.*


6 *Ves tamen o misera procul in conualle ia-
centes,*

*Fragmine quos tenui iam dudum pauit egestas,
Tempus erit de sorde loci, torpedine victa,
Maturare fugam: laui discrimina casus
Parta salus reparet: fortunæ liuor iniquæ
Sit vestrum quandoque decus. 7 iam dextra
Tonantis*

Pro baculo sceptrum, pro campis destinat aulam.

8 *En quæ non modicis oppleuerat æthera vo-
tis,*

*Multiplici nunc tuta parës cum germine plaudit
En veteres oblita metus mercede recepti
Pignoris, ac teneræ solatur origine prolis.*



IN PSALMVM CXIII.

Ex contemplatione cœlestis gratiæ populo Israel exhibitæ in exitu de Ægypto, ubi plura mirabilia recoluntur, ad laudem Domini per hunc Psalmum inducimur. posthac Dei providentiam exaltat Propheta, per quam fideles cuncti benedictionis æternæ donum adipiscuntur.

- 1 **I**N exitu Israel de Ægypto: domus Iacob de populo barbaro.
- 2 Facta est Iudæa sanctificatio [eius: Israel potestas eius.
- 3 Mare vidit, & fugit: Iordanis conuersus est retrorsum.
- 4 Montes exultauerunt vt arietes: & colles sicut agni ouium.

PARAPHRASIS.

1 **P**ostquam Niliacis egressa penatibus, atra
Turba Dei sterilem fugit regionis arenā;

2 Vos, genus Isacidum, patulo Iudaica tellus
Exceptit gremio, plures ubi missa per annos
Reddita lustratis tandem fuit hostia templis.
Non pigra tunc macies, trepidusq. per intima
serpit

Corda timor: nitet ore salus; animoque renatis
Innouat elapsas Israelis gloria vires.

3 Quos tamen ut populos pelago speculatus ab
alto est,

Constitit extemplo, strictaque Tridentifer basta
Fertur aquas retro, fluctusque egisse tumentes.
Nec minùs interea volucrem Iordanis aquarum
Compressit lapsum, celerique reuertere cursu,
Ac notas pauloante vias iterare coegit.

4 Tum festinatos ineuntia germina plausus
Ceumolles duxere choros, iubiloque recepto
Ardua proceri vertèrè cacumina montes.

Haud secus inuiso iamdudum condita septo,

5 Quid

- 5 Quid est tibi mare, quòd fugisti: & tu Iordanis, quia conuersus es retrorsum?
- 6 Montes exultastis sicut arietes: & colles sicut agni ouium?
- 7 A facie Domini mota est terra: a facie Dei Iacob.
- 8 Qui conuertit petram in stagna aquarum: & rupem in fontes aquarum.
- 9 Non nobis Domine, non nobis: sed nomini tuo da gloriam.

*Ac vigilem perpeffa famem, super obuia saxa
Plebs ouium diffusa ruit, quam fortè per herbas
Prouidus e stabulo veniat dimittere pastor.*

*3 Te tamen, o vasti motrix natura profundi,
Quis metus aggrediens post lubrica terga fluètes
Obsedit latices, celeresq. coercuit undas?
Quidue fugam mandauit aquis? quæue insita
virtus,*

*Cetera precipiti proberent cum flumina cursu,
Iordanis refugam dat retrocedere lympham?*

*6 Vos itidem colles, & collibus addita rupes
Cur hilares aquastis oues, plausuque vetustam
Fregistis requiem? 7 solidis an libera claustris,
Ut prius & speciem dignouit, & ora Tenantis
Protinus intremuit, factaque voragine tellus
Horrissonum toto fudit super orbe fragorem?*

*8 Vox etenim cæli rapido torrente feracem
Humectans silicem, ruptis de cautibus undam,
Ac liquidum sterili traxit de viscere germen.*

*9 Quidquid ab humana bonitatis origine
pendet
Non prius hoc laudem, vel inania reddat honori
Incrementa suo: meritum tibi, Rector Olympi,
Augendum decus, atque ingens cumulanda pote-
stas.*

10 Super misericordia tua, & veritate tua :
nequando dicant gentes ; vbi est De-
us eorum ?

11 Deus autem noster in cœlo; omnia quæ
cunque voluit, fecit.

12 Simulachra gentium, argentum, & au-
rum : opera manuum hominum,

13 Os habent, & non loquentur : oculos ha-
bent, & non videbunt.

14 Aures habent, & non audient : nares
habent, & odorabunt.

10 Sic Superū sincerus amor, sic nescia falli
 Disposuit pietas; ne tanto incredula signo
 Tristis adoratum forsan dignoscere Numen
 Gens velit, atq. operum scrutetur ab ordine causā.

11 Ast illic, rutilos pariunt ubi sidera fœtus,
 Non nisi fœcunda Rex libertate supernus
 Vtitur, atque operum seriem iubet alta voluntas.

12 Turpe genus populi falsa sub imagine
 pendens,

Immeritis audax adhibere piamina templis
 Arte Deos condit; fuluoque, alboue metallo
 Publica fallaci statuit simulachra soborti.
 Vana quidē pietas! opifex dum dextra Deorū est;
 Et simulat fictos humana licentia Diuos.

13 Nos ibi dū sensim vocalia membra per artus
 Inspicimus, dum verba cauo scrutamur ab ore,
 Fallimur; infantes reticent, nec forsitan unquā
 Frangere sperato potuere silentia motu,
 Stat binum sub fronte iubar, geminata renidet
 Luminis effigies; sed vanē intermicat ardor.

14 Quam bene compactas industria protulit
 aures,

Irrita quas pietas, stu diumque effinxit inane!
 Si loquor, effusas argentea forma loquelas

15 Manus habent, & non palpabunt, pedes habent, & non ambulabunt: non clamabunt in gutture suo.

16 Similes illis fiant qui faciunt ea: & omnes, qui confidunt in eis.

17 Domus Israel speravit in Domino: adiutor eorum, & protector eorum est.

18 Domus Aaron speravit in Domino: adiutor eorum, & protector eorum est.

19 Qui timent Dominum sperauerunt in Domino: adiutor eorum, & protector eorum est.

*Non bibit : in vacuum nitor; Zephyrosq. volantes
Associat surdo clamor delusus ab auro.*

*Cernit & exposito vacuas in corpore nares
Turba Deum saltrice; dumque impia thura mi-
nistrat,*

*Negligit immotum flagrantia manera spectrum.
In fumum sic fumus abit, rapit Eurus odorem,
Et Notus Assyriam dispergit in aethere nubem.*

15. Disparibus viden. ut palmis, pedibusque.
Colossus

*Polleat, humanam simulans utrinque figuram!
Nec tamen aut tactum digito, aut vestigia duris
Exercere datur plantis, quia gutture presso
Arcane deerunt, vines, & pondus utrumque
Sub certis natura locis immobile claudet.*

16 *At faber infelix, ac fœdus imaginis auctor
Numine sub fragili gaudens, & inania falsæ
Dans alimenta spei, sociumpatiatur iisdem
Excidium, liceatque pari torquerier æstu.*

17 *Genstamē Isacidū, numerosa feracis Iacob
Progenies idola procut, tempestaquē Diuum
Signa fugans alto dumtaxat fudit Olympo,
Dirum exosa nefas; hanc exorabile Numen
Tutatur clypeis, certo & munimine servat;*

20 Dominus memor fuit nostri : & benedixit nobis .

21 Benedixit domui Israel : benedixit domui Aaron .

22 Benedixit omnibus , qui timent Dominum : pusillis cum maioribus .

23 Adjiciat Dominus super vos : super vos , & super filios vestros .

24 Insu-

18 *Quem simul inflexo proles regnantis Aaron
Corde timet : clypeis hanc exorabile Numen
Tutatur, seruatque diu munimine certo.*

19 *Tum populus, cui nupta metu fiducia
vires*

*Nutantes acuit, Superum fit robore præstans :
Tutatur clypeis hunc exorabile Numen ,
Hunc certo seruat munimine. 20 quod tamen
ipse*

*Cultorum pignus memori dum pectoris arca
Ferret, & exhibitos animo celaret honores ,
Muneris ætherei nosmet Deus imbre rigauit .*

21 *Vosque tribus Israël, ac te venerabilis
Aron*

*Oppleuit bonitate genus, 22 domuique timenti
Ætheris auctorem fausto dedit omine fungi ;
Et quo Cœlicolum Reëtor solamine paruis
Arrisit famulis, vos, macti etate, beavit .*

23 *Nec visum Domino veteris post fata
parentis*

*Claudere donorum riuos; at origo superstes
Æternas patris exuuias, spoliūq. perenne
Accipiet, serique trahent promissa nepotes .*

24 Benedicti vos a Domino : qui fecit cœ-
lum, & terram .

25 Cœlum cœli Domino : terram autem
dedit filiis hominum .

26 Non mortui laudabunt te Domine : ne-
que omnes, qui descendunt in infer-
num .

27 Sed nos, qui viuimus, benedicimus
Domino : ex hoc nunc, & vsque in se-
culum .

24 Insuper adiecta vos tempestate bonorum
Regnantis nunc dextra beat, quæ culmē Olympi,
Suppositumque polo telluris condidit axem.

25 Quippe Deus, facili postquā vi gutturis orbes
Disposuit geminos, altæ fastigia molis
Auctori seruire suo, terramque iacentem
Imperijs hominum famulari ex æthere iussit.

26 At tibi, summe Parens, nunquid sine fla-
mine corpus

Plaudat, & e muto laus prodeat ima sepulchro?
Exanimisque cohors, populus, cui seua futuros
Arripuit Libitina dies, tua gesta reuoluent?

An sacra (turpe nefas) altum celebrantia nomen
Tartareis exire queant præconia claustris?

Quæq. diu obstrepitur, longū sonat undiq. mur-
Cunctaq. non tenui latè reboant æululatu, (mur,
Carmen ibi, aut dulces resonent Deitatis honores?

27 Gutture nos hilari, validos dū, sospite fato,
Spiritus illæsis seruabit mentibus artus,
Æternum meditamur opus; nec celsa loquentes
Numina signato cupimus de tempore metam.

Voce quidem iugi nobis super astra canēdum est:
Os plaudet, volucres carpent dum secula cursus,
Laudis & emeritum tibi proferet incrementum.



IN CANTICVM

LUC. I.

Canticum hoc, quod Beatae Mariae decantatio inscribitur, modum laudis principio exponit. deinde beneficia recensendo peculiariter eidem Virgini, & communiter toti mundo collata praedictae laudis rationem subnectit.

- 1 **M**agnificat : anima mea Dominum.
- 2 Et exultavit spiritus meus : in Deo salutari meo.
- 3 Quia respexit humilitatem ancillae suae : ecce enim ex hoc beatam me dicent omnes generationes.
- 4 Quia fecit mihi magna qui potens est : & sanctum nomen eius.

PA.



PARAPHRASIS.

1 **O** Bsequium Domino plenis mea vita ministrat


Laudibus. 2 ut Regem, cui nostræ cura salutis,
Mens agitat secum, tacita dulcedine pectus
Gestit ouans, alacresq. bibunt præcordia motus.

3 Is famula postquam cælo scrutatus ab alto est

Demissosq. animos, nulloque tumentia fastu
Intimâ, fudit opes: hinc dum labentia pergent
Secula, ventura dum crescet origine mundus
Maxima, , præque aliis fortunatissima dicar.

4 Namq. opifex rerum cui nescia limite claudî
Subiicitur virtus, tenui qui sidera nutu
Concutit, uberius donorum aspergine tactam
Me voluit, sanctumque eius per secula nomen.

- 5 Et misericordia eius a progenie in progenies : timentibus eum .
- 6 Fecit potentiam in brachio suo : dispersit superbos mente cordis sui .
- 7 Deposuit potentes de sede : & exaltauit humiles .
- 8 Esurientes impleuit bonis : & diuites dimisit inanes .
- 9 Suscepit Israel puerum suum : recordatus misericordiæ suæ .
- 10 Sicut locutus est ad patres nostros : Abraham, & semini eius in secula .



5 Illius a primis ad seros usque clientes
Fulsit amor, primæva cohors gens prisca Tonantē
Corde timens largo pietatis fonte rigata est.

6 Viribus instructam, queis nil præstantius
unquam,
Omnipotens dextram voluit, quæque arma seueræ
Aptauit manui, centum super agmina vibrans
Perdidit interno turgentia pectora flatu.

7 Idem iustitiæ vindex ab sede potentes
Deposuit, dudumque viris oppleta superbis
Culmina, demissis animo replenda parauit.

8 Diuitiis exhausta domus, ludibria fati
Passa diu, miseram tenui quæ fragmine vitam
Pauerat, astrorum nutu releuamina fessæ
Suppeditans animæ cœpit iam diues haberi.
Diuitibus contra fortuna uberrimus annis
Aruit, & pressis vacuata est mercibus arca.

9 Sic Rex, cui nunquam placido clementiæ
corde

Excidit, optatis puerum complexibus Israel
Suscepit; 10 non ille secus tibi dixerat olim
Abrahame Pater, vobisque in secla nepotes.

- 10 Super misericordia tua, & veritate tua;
nequando dicant gentes; vbi est Deus eorum?
- 11 Deus autem noster in cœlo; omnia quæ
cunque voluit, fecit.
- 12 Simulachra gentium, argentum, & aurum:
opera manuum hominum,
- 13 Os habent, & non loquentur: oculos habent,
& non videbunt.
- 14 Aures habent, & non audient: nares
habent, & odorabunt.

10 Sic Superũ sincerus amor, sic nescia falli
 Disposuit pietas; ne tanto incredula signo
 Tristis adoratum forsã dignoscere Numen
 Gens velit, atq. operum scrutetur ab ordine causã.

11 Ast illic, rutilos pariunt ubi sidera fœtus,
 Non nisi fœcunda Rex libertate supernus
 Vtitur, atque operum seriem iubet alta voluntas.

12 Turpe genus populi falsa sub imagine
 pendens,

Immeritis audax adhibere piamina templis
 Arte Deos condit; fuluoque, alboque metallo
 Publica fallaci statuit simulachra soborti,
 Vana quidẽ pietas! opifex dum dextra Deorũ est;
 Et simulat fœctos humana licentia Diuos.

13 Nos ibi dũ sensim vocalia membra per artus
 Inspicimus, dum verba cauo scrutamur ab ore,
 Fallimur; infantes reticent, nec forsitan unquã
 Frangere sperato potuere silentia motu,
 Stat binum sub fronte iubar, geminata renidet
 Luminis effigies; sed vanẽ intermicat ardor.

14 Quãm bene compactas industria protulit
 aures,

Irrita quas pietas, studiumque effinxit inane!
 Si loquor, effusas argentea forma loquelas

15 Manus habent, & non palpabunt, pedes habent, & non ambulabunt: non clamabunt in gutture suo.

16 Similes illis fiant qui faciunt ea: & omnes, qui confidunt in eis.

17 Domus Israel speravit in Domino: adiutor eorum, & protector eorum est.

18 Domus Aaron speravit in Domino: adiutor eorum, & protector eorum est.

19 Qui timent Dominum speraverunt in Domino: adiutor eorum, & protector eorum est.

*Non bibit : in vacuum nitor; Zephyrosq. volantes
Associat surdo clamor delusus ab auro.*

*Cernit & expósito vacuas in corpore nares
Turba Deum cultrix; damque impia thura mi-
nistrat,*

*Negligit immotum flagrantia munera spectrum.
In fumum sic fumus abit, rapit Euris odorem,
Et Notus Assyriam dispergit in aethere nubem.*

15 *Disparibus viden ut palmis, pedibusque
Colossus*

*Polleat, humanam simulans utrinque figuram!
Nec tamen aut tactum digito, aut vestigia duris
Exercere datur plantis, quia gutture presso
Arcana deerunt vires, & pondus utrumque
Sub certis natura locis immobile claudet.*

16 *At faber infelix, ac fœdus imaginis auctor
Numine sub fragili gaudens, & inania falsæ
Dans alimenta spei, sociumpatiatur isdem
Excidium, liceatque pari torquerier æstu.*

17 *Genstamē Isacidū, numerosa feracis Iacob
Progenies idola procul, temnendaque Diuum
Signa fugans alto dumtaxat fudit Olympo,
Dirum exosa nefas; hanc exorabile Numen
Tutatur clypeis, certo & munimine servat;*

20 Dominus memor fuit nostri : & benedixit nobis .

21 Benedixit domui Israel : benedixit domui Aaron .

22 Benedixit omnibus , qui timent Dominum : pusillis cum maioribus .

23 Adijciat Dominus super vos : super vos , & super filios vestros .

24 Infu-

18 *Quem simul inflexo proles regnantis Aaron
Corde timet : clypeis hanc exorabile Numen
Tutatur, seruatque diu munimine certo.*

19 *Tum populus, cui nupta metu fiducia
vires*

Nutantes acuit, Superum fit robore præstans :

Tutatur clypeis hunc exorabile Numen ,

*Hunc certo seruat munimine. 20 quod tamen
ipse*

Cultorum pignus memori dum pectoris arca

Ferret, & exhibitos animo celaret honores ,

Muneris ætherei nosmet Deus imbre rigauit .

21 *Vosque tribus Israël, ac te venerabilis
Aron*

Oppleuit bonitate genus, 22 domuique timentì

Ætheris auctorem fausto dedit omine fungi ;

Et quo Cœlicolum Reëtor solamine paruis

Arrisit famulis, vos, macti etate, beauit .

23 *Nec visum Domino veteris post fata
parentis*

Claudere donorum riuos; at origo superstes

Æternas patris exuias, spoliūq. perenne

Accipiet, serique trahent promissa nepotes .

24 Benedicti vos a Domino : qui fecit cœ-
lum, & terram .

25 Cœlum cœli Domino : terram autem
dedit filijs hominum .

26 Non mortui laudabunt te Domine : ne-
que omnes, qui descendunt in infer-
num .

27 Sed nos, qui vivimus, benedicimus
Domino : ex hoc nunc, & vsque in se-
culum .

24 *Insper adiecta vos tempestate bonorum
Regnantis nunc dextra beat, quæ culmē Olympi,
Suppositumque polo telluris condidit axem.*

25 *Quippe Deus, facili postquā vi gutturis orbes
Disposuit geminos, altæ fastigia molis
Auctori seruire suo, terramque iacentem
Imperijs hominum famulari ex aethere iussit.*

26 *At tibi, summe Parens, nunquid sine fla-
mine corpus*

*Plaudat, & e muto laus prodeat ima sepulchro?
Exanimisque cohors, populus, cui seua futuros
Arripuit Libitina dies, tua gesta reuoluent?*

*An sacra (turpe nefas) altum celebrantia nomen
Tartareis exire queant praconia claustris?*

*Quàq. diu obstrepitur, longū sonat undiq. mur-
Cunctaq. non tenui latè reboant ululatu, (mur,
Carmen ibi, aut dulces resonent Deitatis honores?*

27 *Gutture nos hilari, validos dū, sospite fato,
Spiritus illeis seruabit mentibus artus,
Æternum meditamur opus; nec celsa loquentes
Numina signato cupimus de tempore metam.*

*Voce quidem iugi nobis super astra canēdum est:
Os plaudet, volucres carpent dum secula cursus,
Laudis & emeritum tibi proferet incrementum.*



IN CANTICVM

LUC. I.

Canticum hoc, quod Beata Mariæ decantatio inscribitur, modum laudis principio exponit. deinde beneficia recensendo peculiariter eidem Virgini, & communiter toti mundo collata predictæ laudis rationem subnectit.

- 1 **M**agnificat : anima mea Dominum.
- 2 Et exultavit spiritus meus : in Deo salutari meo.
- 3 Quia respexit humilitatem ancillæ suæ :
ecce enim ex hoc beatam me dicent
omnes generationes.
- 4 Quia fecit mihi magna qui potens est :
& sanctum nomen eius.

PA.



PARAPHRASIS.

1 **O** Bsequium Domino plenis mea vita ministrat

Laudibus. 2 ut Regem, cui nostra cura salutis,
Mens agitat secum, tacita dulcedine pectus
Gestit ouans, alacresq. bibunt praeordia motus.

3 Is famula postquam cælo scrutatus ab alto est

Demissosq. animos, nulloque tumentia fastu
Intimia, fudit opes: hinc dum labentia pergent
Secula, ventura dum crescet origine mundus
Maxima, , praeque aliis fortunatissima dicar.

4 Namq. opifex rerum cui nescia limite claudì
Subiicitur virtus, tenui qui sidera nutu
Concutit, uberius donorum aspergine tactam
Me voluit, sanctumque eius per secula nomen.

5 Et misericordia eius a progenie in progenies: timentibus eum.


6 Fecit potentiam in brachio suo: dispersit superbos mente cordis sui.

7 Deposuit potentes de sede: & exaltauit humiles.

8 Esurientes impleuit bonis: & diuites dimisit inanes.

9 Suscepit Israel puerum suum: recordatus misericordiæ suæ.

10 Sicut locutus est ad patres nostros: Abraham, & semini eius in secula.



5 Illius a primis ad seros usque clientes
 Fulsit amor, primæva cohors gens prisca Tonantē
 Corde timens largo pietatis fonte rigata est.

6 Viribus instructam, queis nil præstantius
 unquam,
 Omnipotens dextram voluit, quæque arma seueræ
 Aptauit manui, centum super agmina vibrans
 Perdidit interno turgentia pectora flatu.

7 Idem iustitiæ vindex ab sede potentes
 Deposuit, dudumque viris oppleta superbis
 Culmina, demissis animo replenda parauit.

8 Diuitiis exhausta domus, ludibria fati
 Passa diu, miseram tenui quæ fragmine vitam
 Pauerat, astrorum nutu releuamina fessæ
 Suppeditans animæ cœpit iam diues haberi.
 Diuitibus contra fortuna uberrimus amnis
 Aruit, & pressis vacuata est mercibus arca.

9 Sic Rex, cui nunquam placido clementia
 corde

Excidit, optatis puerum complexibus Israel
 Suscepit; 10 non ille secus tibi dixerat olim
 Abrahame Pater, vobisque in secula nepotes.

THE HISTORY OF THE

REIGN OF KING CHARLES THE FIRST

BY SAMUEL JOHNSON

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

IN TWO VOLUMES

LONDON: Printed by A. MILLAR, in Pall-mall, 1742.

PARAPHRASIS

E P I C A

I N

QVATVOR PSALMOS

Ad Completorium,
& in Canticum

Nunc dimittis. Luc. i.

PARAPHRASIS

ETICA

IN

QUATUOR LIBROS

A. B. Complicetum

et in Cantu

et in Cantu



PRÆFATIO.



Am radios excussa dies, rede-
untibus umbris.

Clauditur, & cœli dum verti-
tur orbita, noctis

Imminet aduentus: percunt fa-
mulantia Phœbo

Lumina. nunc prædis inhiat grassator, & imo
Arcens corde metus calli se credit opaco.

Nunc stimulo ventris genus exitiale ferarū
Inuadunt saltus, & frigida lustra relinquunt;

Expletur producta fames: iactura bubulci
Fit cibus impastis. pecudes leo vastat, &

agros,

Ignotisque lupo populatur ouilia technis.

Impatiens nunc tela parat peccator, & ar-
cum

Ten-

Tendit, in obscuro rectos vt corde sagittet.
 Dum caligo fauet, nocturni exordia cursus
 Dum scelus omne tegunt, reduci spes tuta
 latroni est,

Liberiorque viget patrandi occasio furti.
 Hinc ope desertam peregrina insomnia
 mentem

Sollicitant; nunc mortis iter, nunc obuia
 rixæ

Panditur effigies: qui te vexauerat hostis
 Per totam pauloante diem, sub noctibus
 idem.

Non intermissa tua pectora discruciat vi.
 Quis tibi, mortalis, fesso, & rationis egenti,
 Membra papauereo dum nox rigat vda li-
 quore,

Sit columen vitæ, & dubiis fiducia rebus?
 En præstò tutela, fauor: Iordanis ad amnem
 Regius inuitat solitæ modulamine vocis
 Psalmicen: hinc fuso rumpentibus æra
 questu

Solamen petere, auxilium sperare licebit.
 Si quatit ossa metus, populi pressura dolosi
 Dum superest, effunde preces: Rex carmine
 motus

Hestili

Hostili excidium turbæ, tibi scuta parabit.
Nox animum vario turpet phantasmate:
veri

Auctor adest, mentemque fouens, præstigia
vertit.

Membra sopor squallore premat: languedo
per imas


Obrepat venas: nocturna pericula morbi
Dissipat alma salus, & pharmaca tuta mini-
frat.

Nunc agite o Superos laudantia guttura,
noctem

Disparibus mulcete sonis: laus prompta
quietis

Tempora præueniat; sic Sol, cui proxima
Titan

Lumina furatur, moduli dulcedine tractus
Noctis inoccidua iaculabit luce tenebras.





IN PSALMVM IV.

In prima ex tribus partibus huius Psalmi gratias Deo rependit Psalmicen, quod ipsum, eiusque exercitum a persecutione Saul liberarit. secundo pro iniqua pressura aduersariorum alloquutionem subnectit. ponitur tandem diuina laus, & in futura quietis gaudie Canticum terminatur.

1



Vm inuocarem, exaudiuit me Deus iustitiæ meæ: in tribulatione dilatasti mihi. Misere mei: & exaudi orationem meam.

3

Filij hominum vsquequo gravi corde: vt quid diligitis vanitatem, & quæritis mendacium?

PA-



PARAPHRASIS.

1 **R** Ex Superum, cœlique opifex,
 cui iuris, & æqui
 Arridet cultus, faciles cum
 nutibus aures
 Obtulit, ut nimio pulsauimus
 æthera questu;

Quasque diu producta lues, & iniqua vaganti
 Obstruxit pressura vias, dux ille relaxans
 Certa per extensos rexit vestigia calles.

2 Nunc tamen orantis miserans, præcordia
 iusti

Fac, precor, haud ullo culparum incendier estu;
 Teque scelus mandante cadat; sublimia quando
 Dona petens, iunctis me vertam ad sidera palmis.

3 O mendax hominum sensus, o inscia veri
 Progenies, o turpe patrum genus antiquorum,


H

4 Et

4 Et scitote, quoniam mirificauit Dominus
sanctum suum: Dominus exaudiet me,
cum clamaui ad eum.

5 Irascimini, & nolite peccare: quæ dicitis
in cordibus uestris, in cubilibus ue-
stris compungimini.

6 Sacrificate sacrificium iustitiæ, & spera-
te in Domino: multi dicunt, quis
ostendit nobis bona?



Dicite

*Dicite, non flexi quò pectoris vsque trahetis
 Infidias, aut corde graues aquabitur alpes?
 Quoue dolo fucatus amor, malesuada voluptas
 Alliciunt miseros, fallax ut mentibus umbra
 Hereat, ut falsæ quæratur imaginis error?*

4 *Vos quandoque tamen stolidæ caliginis
 mentis*

*Præterita, visoque die fas munus Olympi
 Cernere, qui sanctum fatuæ de plebis a ceruo
 Altiùs exponi, solioque insidere iussit.
 Cuius & Altitonans ferientes astra loquelas
 Ebibet, ac memori celabit cordis in arca.*

5 *At furor inflatos ubi fortè obrepet in artus,
 Sit modus: erectis ratio dominetur habenis,
 Ne tumida lethale nefas oriatur ab ira.
 Siqua tamen fœda superest ærugo medulla,
 Hanc, ubi strata manent, riguo detergite fletu.*

6 *Quin fœcunda spei minuatur ne semina ve-
 stræ*

*Numen, ut ancipites animet fiducia vires,
 Integra iustitiæ sacris cadat hostia templis.
 Porro illum, optati plenam qui muneris arcem,
 Torrentes qui prædet opum gens multa requirunt.*

7 Signatum est super nos lumen vultus tui
Domine: dedisti lætitiā in corde
meo.

8 A fructu frumenti, vini, & olci sui: mul-
tiplicati sunt.

9 In pace in idipsum: dormiam, & re-
quiescam.

10 Quoniam tu Domine singulariter in
ipe: constituisti me.

7 *Alme Parens, frons nostra tua velut amu-
la lucis*

*Lumina præsefert: verax nitet oris imago;
Me quoque lata nouo iuuere leuamina plausu.*

8 *Gens modò, quæ pressis humorem exegit
ab vuis,*

*Spumantique bibax oppleuit dolia musto,
Gandeat, & luxu ventrem soletur inani.
Altera, quæ curuo felicia iugera sulco
Proscidit, innumera flaueret vt area messe,
Quæque oleum exceptit vacuo se fœnore iactent.*

9 *Me tamen & studiis latè, curaque so-
lutum*

*Somnus alet, dulcesq. trabam sine ponderenoctes;
Nam requies hic tuta datur. 10 nos quippe
marino*

*Iactatos errore diu protexit ab undis
Omnipotens, ac tuta spei fuit anchora nostra.*



IN PSALMVM
XXX.

Hic primò persecutionis suæ acerbitem, & aduersantium fraudes Propheta ostendit. mox diuinæ retributionis æquitas commendatur.

- 1 **I**N te Domine speraui, non confundar in æternum: in iustitia tua libera me.
- 2 Inclina ad me aurem tuam: accelera, vt cruas me.
- 3 Esto mihi in Deum protectorem, & in domum refugij: vt saluum me facias.
- 4 Quoniam fortitudo mea, & refugium.
PA-

PARAPHRASIS.

TE mea quàm tuto sequitur fiducia gressu
 Rex hominum, Diuumq. Parens, man-
 dique repertor;

*Meque minas posthac, & inania bella pauentem
 Vlla dies, ullus seclorum haud sentiet ordo.*

*Si tamen, ut ludex, equi seruare nitorem
 Diceris, affer opem: 2 questus, agrique tu-
 multum*

Pectoris aure bibens, mitis permittite rogari.

Ergo agè carpe vias, & quod te cunq. moratur.

*Destituens huc ora refer, quò perdita clarum
 Corda ducem, promptaq. rogāt tutamina destra.*

*3 Hic patulas pignantum acies, hìc obuia
 latè*

*Agmina protektor minuas, animoque pauenti
 Tuta velis pulso componere castra periclo.*

*4 Instar enim iaculi facies ut fulserit, auram
 Praesidij superesse rear: mihi prorsus inermi*


*Suppeditat cœlum vires, nomenque Tonantis
V/que vocans medio incolumis deducar ab hoste.*

5 *At modò dum nobis tacito circumdata
vincolo*

*Strata iacent, trepidæque subest fallacia planta,
Hostis in experto dum tendit retia cordi,
Prode dolos, occulta mone: tibi quippe gementis
Cura datur, dextra miserum tu vindice seruas.*

6 *Fac, rogo, cum certi spatium mea vita
dici*

*Clauserit, hic vestro tandem sub numine sistat
Spiritus, ut verax referat te lingua fidelem,
Aspera iam domito qui vincula fregeris hoste.*



IN PSALMVM XC.

Tres habet partes hic Psalmus, quarum prima diuinam adesse protectionem denunciat, altera inimicis deiectionem, & tertia populis exaltationem predicat.

- 1 **Q**ui habitat in adiutorio Altissimi:
in protectione Dei cœli commo-
rabitur.
- 2 Dicet Domino, susceptor meus es tu,
& refugium meum: Deus meus spera-
bo in eum.
- 3 Quoniam ipse liberauit me de laqueo ve-
nantium: & a verbo aspero.
- 4 Scapulis suis obumbrabit tibi: & sub
pennis eius sperabis.

PA.

PARAPHRASIS.

Q Visque suæ monumenta spei, pretiumq.
laboris

*Astra super, sedemque locat radiantis Olympi,
Is cœli iam nactus opem, quacunque vocabit
Proxima tutantis cernet munimina dextræ.*

2 *Tum versas referens acies ad sidera, pal-
masque*

*Attollens geminas, nostræ tibi cura salutis,
Rex hominum, clamat, qui fesso, & cordis egenti
Suppeditas robur, clypeo qui territa fulcis
Membra, nec incomitem, fato extorquente, re-
linquis.*

3 *Ille, dolos ignota mihi dum vincla pararêt,
Retiaque ancipites premerent venalia gressus,
Adfuit innocuo, rauci dictæria vulgi
Vertit in auctores, falsæ teterrima lingua
Murmura iustitiæ confestimproscidit ictu.*

4 *Quin scapulis confecta suis umbracula
demum*

Proferet; utque animi trepidos componere motus

5 Scuto circumdabit te veritas eius : non timebis a timore nocturno.

6 A sagitta volante in die , a negotio perambulante in tenebris : ab incursu , & dæmonio meridiano.

7 Cadent a latere tuo mille , & decem milia a dextris tuis : ad te autem non appropinquabit.

Inci.

*Incipias, tutoque spei fouearis amictu,
Gestiet alarum tentoria fingere velo.*

5 *Cum tamen armorum, & pugna furialis
Enyo*

*Instabit misero, longa obsidione gementi
Rex aderit verax, clypeoq. armabit inermem.
Atq. ubi nigrantes redeunt conuallibus umbra,
Hesperio postquam sese obruit Oceano lux,
Haud ullo trepidare metu spes aqua monebit.*

6 *Te petat opposita vis perniciofa phalangis,
Te furor inuadat: leuibus gens hostica talis
Euacuet pharetram; tenebris, aut lampade Solis
Freta sagittarum populetur grandine corpus:
Nititur in vacuum: iaculis umbone reuulsis,
Nil metues ultra; nam qui fallaciter hostis
Aut parat insidias, aut agmine seuit aperto
Robur utrumque teret, demumque illus abibit.*

7 *Nempe cadauerens medium te cinget acceruus*

*Cadibus immunem variis, hominumque periclo;
Cumq. per arma furens longè, latèq. propinquos
Abstulerit Libitina duces, & millia centum
Protinus erepto substrauerit agmina motu,*

8 *Verum,*

- 8 Verumtamen oculis tuis considerabis : &
retributionem peccatorum videbis .
- 9 Quoniam tu es Domine spes mea : altissi-
mum posuisti refugium tuum .
- 10 Non accedet ad te malum : & flagellum
non appropinquabit tabernaculo tuo .
- 11 Quoniam Angelis suis mandauit de te :
vt custodiant te in omnibus vijs tuis .

*Te fera posthabito serpens premet omnia clades.
Sic nutu Indigetum, reliquis hinc inde peremptis,
Liber, & incolumis, totoque eris orbe superstes.*

8 *Iacturam tamen ab summo speculatus
Olympo,
Agminis excidium, spumantia sanguine castra
Ore leges, victoque diu letaberis hoste.*

9 *Me quoque sedatum curis fiducia reddit;
Quandoquidem spes nixa polo mihi bella gerenti
Præstò erat, ac celsis victoria prodit ab astris.*

10 *Hinc ubi pressura circumfluet undique
torrens,
Te fugiet commune malū, domus una manebit
Ventorumque expers, ac nescia flumine tangi.
Semper inoffenso distabit ab æthere casus:
Cœlicolum statio tuta est, nec inane flagellum
Audebit sacros unquam temerare penates.*

11 *Nam quaecunque tuo veniet sub pondere
tellus
Luminibus comitum procul observata manebit.
Vrgent iussa Patris: vigiles mandata faceffunt
Spirituum cœtus; perque omnia strata viarum
Leua monent, lapidosa cauēt, obstructa relaxāt.
Nulla tibi sociis incognita terra ministris*

12 In manibus portabunt te : ne fortè offendas ad lapidem pedem tuum .

13 Super aspidem , & basiliscum ambulabis : & conculcabis leonem , & draconem .

14 Quoniam in me speravit , liberabo eum : protegam eum , quoniam cognovit nomen meum .

Occurret profugo; 12 quin & tua membra vi-
ciſſim

Aptabunt humeris, manibusque ſedilia fingent.
Tunc vel Caucaſea lapides, & culmina rupis,
Aut foueam tuto liceat percurrere grefſu:
Impiger adſtantum vigilat chorus, obuia quaq;
Praueniens, ne planta iugis offenſa teratur.

13 Ne quicquam exertis gemino cum vertice
collis

Impediet ſaltus, ac dirum ſibila tollet
Amphiſibana biceps; fruſtraque ſoporifer aſpis
Ore truci, ſæuoque furet baſiliſcus hiatu.
Pes fera monſtra premet linguis armata tri-
ſulcis,

Et ſeſe huc, illuc celeri voluentia gyro.


Ipſe nec aufugiet plantas draco, nec leo forſan
Sopitum cauda reuocans ſtimulante furorem
Subtrahet e veſtro flauentia pondere terga.

14 Me duce pugnantumque minas, & mil-
le retundet

Bellatorum acies; nunquam ſublime vocanti
Auxilium deerunt vires, quia fretus Olympo
Alta ſui meruit dignoſcere nomina Regis.

15 Clamabit ad me, & ego exaudiam eum:
cum ipso sum in tribulatione, eripiam
eum, & glorificabo eum.

16 Longitudine dierum replebo eum: &
ostendam illi salutare meum.



15 *Prompta quidem Domini, cum vocibus
atbera rumpet,*

*Auris erit, nostrosq; trabent sua guttura nutus.
Hinc, pœna subeunte, comes, succedere Cauro
Mites præcipiam Zephyros, postq; horrida de-
mum*

Fulgura iam visa letabitur Iride cœlum.

16 *At sibi, quot veteri rapit Euris ab ar-
bore frondes,*

*Aut quota Niliacis erumpunt germina campis,
Tot dicam superesse dies, Pyliamque senectam,
Et longæua manens excedet fata Sybillæ.
Insuper Empyreï sedes, aditusque debiscens
Excipient bilarem, nostrique in imagine vultus
Ultima præterito sumetur adorea bello.*



IN PSALMVM CXXXIII.

*Brevis inuitatio seruorum Dei, ac Sacerdotum
precipue, ut noctis tempore Domino benedi-
cant, in hoc Psalmo, ut argumentum, pro-
ponitur.*

- 1 **E**cce nunc benedicite Dominum
omnes serui Domini.
- 2 Quis stas in domo Domini : in atrijs do-
mus Dei nostri.
- 3 In noctibus extollite manus vestras in
sancta : & benedicite Dominum.
- 4 Benedicat te Dominus ex Sion : qui fecit
coelum & terram.
- 5 Gloria Patri, & Filio : & Spiritui Sancto .
- 6 Sicut erat in principio, & nunc, & sem-
per : & in secula seculorum, Amen.

PA.

PARAPHRASIS.

1 **E**la agite o Superis famulantia corda, Tonanti

Pangite quas meruit laudes, altumq. vicissim
Cœlitibus proferte melos; 2 ut quęque superna
Cultorem fidei rutilans capit aula ministrum
Audiat egregio meditantem Numina plausu.

3 Vos, Tarteſſiaco poſtquã ſub littore pronos
Egit Phœbus equos, reſtis ad ſidera palmis
Vel tenebras mulcete ſono: fas noctis in umbra
Celfa loqui, ſuſſumque potens attollere nomen.

4 Muneris ætherei fluuios ex monte Sionis
Te ſuper immittat Dominus, qui germine terrã
Gramineo, facibusque polum ſtellantibus ornat.

5 Summa Trias, non nate Parens, ac Pro-
lis origo,

Magna Dei Soboles, & amās, & amabile Numē,

6 Quæ tibi iam fuerat, ſit nunc, ſemperque
ſuperſtes

Gloria, laus maneat; dum nō reuocabilis unquã
Temporis æterno præterfluet orbita gyro.

IN CANTICVM

Luc. 2.

*Per Canticum hoc breuiter Domino grates re-
pendit Simeon, quòd morti iam proximus
puerum Iesum in vlnas acceperit.*

1 **N**unc dimittis seruum tuum Domi-
ne: secundùm verbum tuum
in pace.

2 Quia viderunt oculi mei: salutare tuum.

3 Quod paraſti: ante faciem omnium po-
pulorum.

4 Lumen ad reuelationem gentium: & glo-
riam plebis tuæ Israel.

PARAPHRASIS.

1 **E**N Pater Indigetum, nec fœderis im-
mor unquam

*Me famulum cordis nactum pia vota, quieti
Indulgere sinis; 2 nam fons, & origo salutis
Visus adesse mihi, propero cum rapta stupore
Nuper inocciduis iaculauit lumina fulgor.*

3 *Hic tamen baud uni tantum speculandus
ocello*

*Obiicitur: gaudent alij: properare iubetur
Turba frequens, patulo qua sese margine tellus
Porrigit, & medias contermina circuit undas.*

4 *Publicus effulget radius, quacunque re-
nidens*

*Lux micat, & latè profugas eliminat umbras.
Hinc genus Isacidum, Superis accepta propago
Festiuos audire sonos, monumentaque laudum
Gestit, & emerito veſtatur ad æthera curru.*

E I N I S.

PSALMORVM,

ET CANTICORVM

I N D E X.

	<i>Pfal.</i>	<i>Pag.</i>
D ominus regnavit	92	22
lubilate Deo omnis terra	99	26
Deus Deus meus	62	30
Deus misereatur nostri	66	34
Benedicite omnia opera Domi-		
ni Domino		36
Laudate Dominum de cœlis	148	44
Cantate Domino canticum	149	50
Laudate Dominum in sanctis	150	56
Benedictus Dominus Deus		58
Dixit Dominus Domino meo	109	70
Confitebor tibi Domine in toto		
corde meo	110	74
Beatus vir, qui timet Dominum	111	80
Lau-		

Laudate pueri Dominum	112	86
In exitu Israel de Ægypto	113	90
Magnificat		102
Cum inuocarem , exaudiuit	4	112
In te Domine speraui	30	118
Qui habitat	90	122
Ecce nunc benedicite	133	132
Nuac dimittis		134



Vidit D. Antonius Baruchius Cler. Regul.
S. Pauli in Ecclesia Metropolitana Bononiæ
Pœnitentiarius pro Illustrissimo,
ac Reuerendissimo Domino Ioseph Muf-
fotti Vicario Capitulari.

Vidit P. F. Carolus Hyacinthus Lascaris
in Conuentu Bononiensi Philosophiæ
Lector pro Reuerendissimo Patre Inqui-
sitore, & dignum Typis dari censet.

Stante supra representata attestatione.

Imprimatur

F. Paulus Hieronymus Giacconus Inquisi-
tor Bononiæ.



BONONIÆ, MDCLXXXVII.

Typis Hæredis Francisci Mariæ de Sartis,
Superiorum permissu.



MAG 2020511







